



DESEÑO: @XPRESANDO_

1º de MAIO

Á rúa a reconquistar as liberdades e os dereitos!

Este 1º de maio de 2016 é o **cuarto aniversario da morte e secuestro dos dereitos laborais e sociais**, que o goberno e a troika impuxéronnos por medio das súas leis liberticidas: **a reforma laboral, a lei mordaza e o código penal**.

Tremendas agresións á clase obreira que supuxeron a desvalorización de todas as rendas salariais, roubando ás clases asalariadas máis de 8 puntos de toda a riqueza producida, para entregarla directamente á oligarquía e ao empresariado, **aumentando así, ata límites insoportables, a explotación da maioría social**.

Son dereitos que lles foron expropriados ás traballadoras e aos traballadores, imponendo a "flexibilidade" nas empresas, onde as condicións de traballo (xornadas, funcións, salarios, vacacións, mobilidade, disponibilidade...), son administradas e decididas unilateralmente polo capital, provocando que os custos laborais diminúan notablemente, en especial o despedimento. Ademais da **brutalidade que supón despedir sen ningunha causa**, beneficiase cunha indecente rebaixa das indemnizacións.

Suprimiron a liberdade sindical e inutilizaron a capacidade de negociación colectiva, entregando ao empresariado a facultade de saltarse o acordado en convenio colectivo e aliáronse con este reprimindo, de maneira totalitaria, a resistencia e a folga.

Condenaron a toda unha xeración (ou máis dunha) de xoves ao paro, preto do 50%, ao tempo que se nos obriga a traballar ata os 67 anos para poder ter unha pensión contributiva, que tamén está posta en dúbida.

Sobre as pensións actuais (9,2 millóns), **aplicáronse auténticas políticas de expropiación**, incrementándoas, no mellor dos casos, nun miserento 0,25%. As pensións futuras serán inferiores entre un 5% e un 15% ás de agora, grazas ás diferentes leis elaboradas polos dous gobernos (PP e PSOE) e os seus colaboradores, é dicir, os sindicatos do réxime.

Puxeron en risco todo o Sistema Público de Pensións, por medio de abaratar os salarios (11,3 millóns de persoas asalariadas non chegan aos 700€ mensuais), á vez que se exonera de pago ás empresas das súas cotizacións sociais ata os 500€, e fixaselles tarifas planas de 100€. Tamén se lles exime de pagar cotizacións ata o 70% en gran parte dos contratos "lixo" (formación, aprendizaxe, etc.).

Uns gobernos e outros, co apoio dos seus partidos, garantiron a regra sacra do déficit dentro da "Constitución do Réxime", na que os estados e os seus gobernos asumen con diñeiro público as débedas de financeiros, banqueiros e grandes empresarios, asegurando sempre e en calquera circunstancia o seu pago, **porriba dos dereitos sociais de todos e todas**: educación, sanidade, coidados, pensións, etc.

As **libertades de expresión, de manifestación, de folga...** foron liquidadas mediante as leis de Reforma do Código penal, a Lei Mordaza e a Lei Antiyihadista, entre outras.

Miles de persoas: sindicalistas, desafiuadas e expulsadas das súas vivendas, activistas das diversas mareas en defensa do público, persoas de abaixo, honradas, loitadoras, etc..., **atópanse procesadas, condenadas ou encarceradas polo feito de defender as súas condicións laborais, os seus empregos, as súas vivendas, a súa liberdade de expresión...**, en definitiva os seus dereitos sociais, inicuamente arrebatados.

Con todo, **os poderosos** (empresarios, financeiros, banqueiros) e quen actúa como sicario ao seu servizo (políticos), que levan anos e anos enquistados nun sistema corrupto e criminal, son **impunes e rinse de nós** sen ningún tipo de responsabilidade.

A **CGT**, neste 1º de Maio, **fai unha chamada** a todas as persoas que están a sufrir esta situación de emerxencia social, de exclusión e precariedade, de represión policial, xurídica, laboral e económica, **a tomar as rúas**, loitando coa nosa clase, **para reconquistar os dereitos e liberdades que nos foron arrebatados**.

Viva a loita da Clase Obreira!

Viva o 1º de Maio!